

四庫全書

集部

欽定四庫全書

集部

文苑英華卷一百七十九

詳校官內閣學士臣瑞保

助教臣常循覆勘

總校官進士臣朱鈐

校對官中書臣陸湘

謄錄監生臣何均

欽定四庫全書

文苑英華卷一百七

宋 李昉等 編

器用六

敲器賦五首

撲滿賦二首

小撲滿賦一首

白獸樽賦一首

金樽含霜賦一首

敲器賦應詔

許敬宗

臣聞人靈貴損天道忌盈朱火終

集作中

而炎景謝金波

滿而哉。鬼生察。遞來於四序。揆迭運於三精。淺智昧於成象。通識詳於未萌。務循虛而守約。處崇高而慎傾。爰製宥卮。勗茲居位。藏丹楹之峻宇。偶清廟之彝器。體虛舟之瀆空。鑿撲滿之延崇。彼游鱗之盤樂。咸見亡於芳餌。此貪夫之死權。誠要駕於名利。唯達人兮服道。執溫恭兮靜志。居泰山以思危。騁高衢而不躓。在大明之玄覽。猶垂旒以蔽聰。履克讓之貞吉。尚養正以希蒙。矧羣材之小器。亡戒溢而虧冲。悟負乘之必蹶。敬循崖而飭

躬由是鳴謙君子卑以自牧如彼景山猶藏疾於林麓
譬諸巨海亦素王於百谷庶辭滿而常正固懷空而靡
覆若乃求中軌範流慶資源峯潤由於韜玉葉茂本於
深根草卷施而不死木交讓以俱存梅飛英而斂笑桃
絢彩而無言燕迎秋兮遁跡鷲移春兮息喧皆順序而
行止得妙物之玄門道雅合於斯器故保精而養魂

第二

以君子用之
誠盈為韻

張鼎

聞夫日中則昃鼎折則傾月容守缺而忌滿神道福謙

而害盈聖人察兩曜之度觀萬物之情知務進者危於
不止擬貪取者敗於幾成爰制座右與人作程開其可
誠之迹加以必覆之名然而不增不減能正能平考低
昂而必應亦有效於權衡爾其顛沛是虞包藏自縱或
益之而損故至其滿成覆餗之凶或損之而益故當其
無為有器之用且聖人云其脆乃破其安易持則何不
避禍於將盈之日圖全於未兆之時力小任重鮮不克
敗滿而既溢傾必從之亦猶富不與侈會貴不與驕期

若以馬而喻馬則念茲而在茲又曰積德不積財無為
故無敗貪祿者致禍增高者致壞是以古人作則為今
人知朴疑前車覆軌誠後車之誠借如乃武乃文巖廊
之君一生一死繁華之子故當觀其所由察其所以嗟
乎福兮禍所伏禍兮福所倚既禍福之無門信吉凶之
由已且喪道則貪邪貪邪至於喪生知足則不辱不辱
在於知止苟欲圖安以遠害又宜去彼而取此則知鼓
器之器大哉吾將以為教始

第三

韋肇

若夫天地忌滿鬼神害盈方輿以之東缺圓蓋以之西
傾百川因茲灌注七曜由是貞明故聖人以冲虛作式
賢達以撓謙為情於是盤孟設誠几杖必紀金人貽誨
於周書撲滿流規於漢史順之者福逆之者恥乃垂訓
於小人咸取象於君子豈若方圓有度規矩合儀不虛
不滿能安能危考衆器之論寔莫先於侑一作宥荀
子侑宥同
危不隨日兮時是不與月兮暫虧體執謙損性尚冲撓

而為銘僕又何德輕塵翰墨雖不假於先容實有愧一作
貴於觀國

第四

張元覽

夫陽烏中而則謝陰兔望而斯蝕諒天道之常理豈人
情之能測何此器之知機體變通之消息其形也匪
疑作

非陋任其淳素之姿其質也欽歛無假丹青之飾平而
則正滿而斯側不平不滿無窮無極夫盛衰共貫倚伏
多途或始吉而終否或前榮而後枯纔聞棲越遽見亡

知盈槩而必覆故止足而何期惟上聖之設法處中庸
而在茲使廉恕以效貪殘改質金張可望形而謝寵許
史可覩容而辭秩疏廣感此而挂冠范蠡勗茲而自逸
覽斯器之為美何餘物之能匹原夫出自聖者之心成
乎匠人之手匪雕匪刻可大可久鄙巨壑之難盈惡滿
卮而虛受寧取類於瓦杯以供堯舜不願同於金爵惟
資桀紂故一化於陶鈞歷千載而不朽由是魯君之廟
置諸戶庭左鄰東序右界西扃惟仲尼之多聖賴弟子

人道之不滅勒茲器以為箴庶作鑒於來哲

第五 并序

李德裕

癸丑歲予時在中樞丞相路公見遺敔器贈以古人之

物永懷君子之心嘗欲報以詞賦屬力少一作小任重朝

夕盡瘁固未暇於體物今者公已歿世予又放逐忽覩

茲器悽然懷舊因追為此賦置公靈筵詞曰

昔周道砥平既安且寧赫赫公旦配德阿衡謂難守者成

難持者盈始作茲器告於一作于神明至仲尼憲文武之道

吳不知誠其盈溢空有歎於姑蘇是知高而不危則治
操而有求則競見握髮以存誠慮宵衣而致命老氏貴
其善建大易崇其積慶殷湯鏤几以為虞孔甲鐫盤而
自鏡爾其冥一作蒙豫不止懷足無厭釁成山嶽禍起微
纖愚者已然而不見智者未兆而斯瞻聖人損之而又
損君子謙之而更謙大禹惟聖每殷勤於菲食惟堯則
括終眷戀於茅簷然而默默如存隆隆自絕天且不能
固西北之壞地且不能補東南之缺天地尚不能久矧

思周公之德入太廟而觀器觀遺法而歎息且曰月滿而
虧日中而昃彼天道之常然欲久盛而焉得乃沃水於器
察微要終挹彼注茲受之若冲虛則甑甗似君子之困

蒙中則端平如君子之中庸既滿傾

一作則

雷霆流電發

器如隄

一作抵

隄水若河決非神鼎之自盈異衢樽之不

竭蓋欲表人道之隆替明百事之有節然茲器也不以
中而自藏不以跌而自傷其過也如彼薄蝕其更也
浸發輝光得其道者居則念於豐蔀動乃思於謙受顏

既復而不遠惠屢黜而何咎知任重之力一作必及悟物

盈之難久雖神道之無形常慘然於文粹作而前後昔與君

子同秉國鈞公得之為賢相予失之為放臣覩遺物之

猶在懷舊好而悲辛思一無此字欲克己以復禮永報德於

仁人

一作皆集本似不及古書之善

撲滿賦

姚元崇

夫惟哲人罔有敗德几杖攸誠盤盂見勒容過於鏡則

照窮任重於才則道塞多藏必害常謹不忒茲撲滿之
陶形假埏埴以為靈其中混沌竅開兮沉以默其外空
蒙忽合兮炯而青藏雖符於神論固疊疑同於道扁謙
以自守虛而能受奚初積而終散竟出無而入有乍若
乎巨蚌之全滿而則剖不思乎亢龍之悔盈莫能久故
君子永鑒是式允執厥中道不可以常泰物不可以屢
空雖爰疑實含真立制之端自我而辭豐忌覆致用之
數在公何茲器之微賤蓋與時而變通苟利物而害已

亦持盈而省躬豈獨夫魯國宥坐誠敬虛已周階銘玉
疑端口室慾損之有餘補之不足明遠鑒之退止訓勞
謙之軌躅稽長情以投贈庶平津而自勗

第二

韋肇

夫以天覆高兮地載卑道幽玄兮不可窺日始中而還
昃月將盈而復虧滿而不已則溢高而不已則危誠古
聖之深誠作來者之明規示予以倚伏教予以謙撝雖
蒙昧而不敏請將心而事斯故遠求類物近方諸已鸚

聞之者盡皆含歎若夫宦宦宦子營營市人若恥貧賤
之域同趨富貴之津得利足以潤已至盈足以敗身倚
歟前跡安可再循予遂削營欲之心守謙光之道念土
疑物之雖賤宜吾人之所保鑒周鼎之覆餗看魯器之
傾倒猥逢長倩之贈永為子孫之好欲窮墨妙之意以
養太玄之草也哉

一無
二字

小撲滿賦

張鼎

天何言哉信陽去而陰來器之形矣必虛往而滿止埏

鷓何智兮隴坻先鳴靈龜何愚兮長途曳尾智者禍兮
受雕籠之斃愚者福兮終廟堂之祉信通塞之暫昧乃
榮枯之一指何茲器之雖朴以堪誠而成珍稟質陶甄
之匠賦容埏埴之人不雕飾以眩目寧儉素以全身始
含虛而任受忽多藏而累真入之有徑出之無因其滿
也渾兮似蚌珠未開於重淵之下其析也杳兮若雞卵
初分於太古之辰豈不以驟積而靡散貴得其豐孰知
其難裂陶鎔之瑣瑣出金錢之築築見之者無不興嗟

白獸樽賦

以言必有章酌而飲焉為韻

李君房

酒以養德則盛於樽樽之用獸可得而言若乃王春會朝初正元吉穆穆嚴宸濟濟良弼玄化凝以垂衣謹詞進於造膝則從繩之義斯正投水之言自必是以白獸在司樽彝舉酒攫地空象夫髻髻西京賦猛毅髻髻揚睛欲聞乎哮吼信履尾而不唾雖編鬚而何有伴夫嘉話允臧眸容有光樽則雲飛而山峙獸乃白質而黑章物盛其容若耽耽而視君能納諫遂諤諤而昌嘉言既藥用舉

埴為質惟人為軌靡不有初方應物以虛已鮮克有卒
因藏錙而見圮其中也幽幽冥冥其外也青青熒熒疑
攝生而養神靈積而不散持莫能久何始吉而終凶竟
出無而入有豈獨夫魯廟欹器中則正而滿則覆周陞玉
疑人和其容而端其口譬高流而岸圻等珠盈而蚌剖
日中則昃月滿則虧故君子終吉以流誠天地勞謙而
自卑別有孫弘舉賢不患於貧婁長倩投贈竊勵於風
規苟欲全身而避害固可翹勤而鑒斯

夫爵所以展其威儀匪空留乎斟酌獸之為樽用捨有時獸之喻人猛毅在茲懼威則君之設謬矣忘諫則臣之節殆而酌之伊何惟器所稟禮殊百拜味珍千品皇恩既錫且同夫湛湛露斯君德不回寧比夫厭厭夜飲彼美觶然太階之前與諫鼓而齊致比撲滿而能全斯期箴闕用以旌賢將同衢樽之道幸注焉而酌焉

金樽含霜賦

孟康朝

夫何卜晝之不暇以清夜之方久垂玉漏之未窮賴金

樽兮有酒霜入室兮夜何長樽含霜而醴澈霜覆醴而
金光適足勁乎玉性亦何傷乎酒香夫如是樽既可賞
霜亦可觀味資蘭桂影奪綃紈疊華彩於銀燭散餘光
於玉盤况東堂清敞北斗闌干在公載宴廢寢相歡心
飲冰兮猶熱酒飛霜兮豈寒斯蓋為上台之式百辟少
宰之設九流明命充選俾士全謀五權立而羣才入鏡
三人行而一人同舟並錯薪於翹楚異攀桂之淹留每
賞崇乎夜隙故樽列而霜浮于時星歲邁盡地有寒沍

引颺風烏徘徊玉兔杯上霧起鑪前香覆對樽影而霜
含况霜姿而粉傅非兕觥其觶架乎自舉會心絜矩凝
然抱素於是執簡為名比玉同貞結而能白冲而不盈
光露寢之舊席刻神鐘之遠聲豈獨坐中藏器酒上含
情者哉

文苑英華卷一百七

欽定四庫全書

文苑英華卷一百八

宋 李昉等編

器用七

白羽扇賦一首

扇賦一首

雉尾扇賦一首

翟扇賦一首

六角扇賦一首

畫桐華鳳扇賦一首

竹如意賦二首

麈尾賦一首

有即席探得麈尾賦一首

金剪刀賦一首

瓢賦二首

白羽扇賦 并序

張九齡

開元二十四年夏盛暑

一有奉字

勅使大將軍高力士賜宰

臣白羽扇九齡與焉竊有所感立獻

一作賦曰

當時而用任物所長彼鴻鵠之弱羽出江湖之下方安

知煩暑可致清涼豈無紈素彩畫文章復有脩竹剖析

毫芒提攜密邇搖動馨香惟衆珍之在御何短翮之敢

當預

一作而文粹作與

竊恩於聖后且見持於未央伊昔臯澤

之時爾

一作亦

有雲霄之志苟効用之得所雖殺身而何

忌肅肅鳥

一作白

羽穆如微風縱秋氣之移奪終感恩於

篋中

批答

朕頃賜羽扇

一作朕頃賜扇

聊以滌暑卿立賦之且見情素詞

高理妙朕詳之矣然嘉彼勁翮方資利用與夫棄捐篋

笥義不同也

參用集本及文粹校定

扇賦

田鶴

若夫暑氣綿綿炎光赫然毒衝心而氣盡汗匝背而珠
連是日何貴茲扇為先匠者呈巧所重惟素疑織飛禽
而寫妙規曉月以成圓葉隨意出花逐情妍飾金翠而
作彩綴膠漆以期堅爾乃題竹流譽贈葵稱美雖見重
於人臣未承恩於天子曷若充歲貢隨篋筐比德進賢
齊芳獻雉徒倚君側徘徊宮裏揮拂涼來動搖風起蓬
陽氣而不息遇重陰而暫止心素何所欲常愁歲月馳

珠簾秋氣滿羅幌曉風吹中道恩既歇棄捐誰見知

雉尾扇賦 并序

裴振

客有薦雉尾扇要予作賦予亦感於心遂命紙筆詞曰
吁嗟名翬兮誰喪爾躬吁嗟名翬兮我愛其尾何不
作於三嗅乃見傷於一矢當遭悅妻於大夫不值仁心
於孺子凋骨肉於俎豆翦羽毛於錦綺雖蒙玩於翠翅
無復刷其丹背今屬聖人布命王道克理解羅者之目
擺工倅之指我欲請造物復爾之生許虞人追爾之死

且王者三驅爾供庖厨王后六衣爾為光輝爾毛既美
爾膚既肥為薦廟之用昭媒翳之機誠不顧樊籠之習
習又安得林麓之飛飛當昔五步一啄十步一飲選地
而遊擇木而寢固將保羣雌以比翼豈知遭鳴鶻之碎
錦已矣哉彼龜何辜其腹將剖乃願掉於泥塗彼鷄何
知方論其肥乃自斷於郊犧至如千人操萬人歌不如
休於桃林之阿復有青絲絡黃金裝不如放於華山之
陽身死命絕蒐銷晷亡永別儔侶長辭故鄉雖復氛氲

綺席窈窕紅粧間以彩翠盛以筐箱百常之臺刻月九

華

二扇名

之扇凝霜獨不及疇年之澤畔昔日之山梁悲

夫

翟扇賦

以輝列崇殿明
照初日為韻

郭遵

前王之立制也取象於明暈森然如六翮之布煥乎分
五彩之輝其位也夾輔於皇極其用也咫尺於天威故
歷代奉之而不替我后行之而不違若夫朝彥晨趨天
仗宿設分鴛鴦而式斜儼貌貅而成列視容具瞻誠意

咸竭司儀克仰之以取則對敬必候之以為節禮斯恭
敬斯崇條傳詔而初合知大君之居中俄承命而復啓
見天顏之在空謂儀鳳於烟閣若飛龍於霞宮列丹楹
之左右分玉宸於西東爛兮方照其朝景颯然如度其
薰風光彩絢練羽儀廣殿接鈞天以成形洎億兆而咸
見高其中也如捧聖日於雲霄散而行也似扇皇風於
寓縣當合朝之滿盈闢凝旒於穆清無謂其求進也所
以應時而至待命而行無謂其速退也示不敢蔽人之

望掩君之明既進退而有則在行止而何情且蔚其文
寧以自耀布其彩非其競照象舞羽於舜階異總干於
周廟輝映皇居間列綺疏來若鱗萃去如翼舒指北辰
之期可久侍南面不替其初故先君而出待朝而畢合
儀不爽其疾徐舒布亦獲其疎密前拂瑞氣傍臨旭日
永効用於君前願竭盡其微質矣

六角扇賦

以右軍書之可
以求價為韻

陸遵

扇有異體六角其尤雖嘗巧而是驚非好奇而不求故

須借聲於墨工之類假手於札家之流伊彼姥矣裨販
是以鏤竹於叢山之陽求錢於越人之市柄一條而有
象形六折而難擬翳杲日規模莫成搖清風綺紈不已
逸少遇諸濡翰而書兩行而露垂花散五字而龍盤鳳
居絕筆以授高價是就觀之者雲集售之者輻湊騰驥
乎六體之先彈壓乎九華之右既而厥價載殷厥聲載
聞賈之者但慙於老婦鬻之者寧忘於右軍且手非扇
之所題扇實手之所藉一自以翳飛塵一自以防朱夏

何握提之見投而毫芒之忽借既盡攜之之妙亦長鬻
之之價是知物不自貴惟人貴之向使松煙不染翠管
不持則是扇也入晉邸而陋賤彼老姥也同班妾之見
遺又安得用六角之善獲五銖之資哉嗟乎小因大而事
罔不行美加醜而用無不可故扇待書而色貴人假扇
以財夥姥曰右軍惠而好我

畫桐華鳳扇賦

并序

李德裕

成都夾岷江磯岸多植紫桐每至春暮

一作暮春

有靈禽五

色小於玄鳥來集桐華以飲朝露及華落則煙飛雨散

不知其所往有名工績於素扇以賚稚子余因作小賦

於上者也

一作書
於扇上

桐始華兮綠江曙粲鮮葩兮泣一作
浥清露樹焜焜兮霞

舒烏爛爛兮星布彼嘉桐兮貞且猗當春暮兮英歲二
字

一作
發英蕤豈鵙鵙兮一作
之珍族久一作
又棲託乎瓊枝彼零

露兮甘且白涵曉月兮灑鮮澤豈青鳥之靈儔常飲吮

兮一作
乎玉液有嘉穀而不啄有喬松而不適獨美露而

愛桐非人間之羽翮，逮華落而春歸，忽雨散而川寂，悵
丹穴之何遠，想瑤池而已隔。爰有妙工圖其麗容，宛宛

兮若飡珠於芳藥，飄飄兮疑振翠一作羽於光風。感班姬

之素扇空皎潔，兮如霰亦有美人增華點。絢雀伺蟬而

輕鶩南朝畫扇尤重蟬雀女乘鸞而微眄，未若績茲鳥二字一作斯禽於

珍筵，動涼風於羅薦。非欲發長袂之清香，掩短一作清歌

之孤嘯。庶玉女之提攜，列崑墟之一作瑤竈。乃為歌曰：

東風二字一作青春晚兮芳節闌，敷紫華兮蔭碧湍。美斯鳥一作

茲禽兮類鷓鷯具體微兮容色丹彼飛翔於霄漢此藻繪於冰紈雖清秋之已至常愛翫而忘滄

一作皆集本

竹如意賦

以簡素輕易適手便人為韻

李德裕

博哉匠人之心窮地之產覽如意之形製實用周而事簡惟竹也何慕實存乎貞素伊篠蕩之既敷持斧斤而方顧擇其罕節稽此有裕燥之以火首之曲也中鈎栽之以金本之長也合度精練冰削離褫爪布靡加雕飾

之勞卒獲提攜之遇被以嘉名允臻厥成匪求榮觀自
愜幽情彼用玉之為寶我則不謝其貞彼用鐵以為固
我則利在乎輕指事明義此焉攸寄執之者安創之者
智中凡周用丘園其賁外青中素合二妙於陰陽尚質
貴誠符兩儀之簡易爾乃林栖冲寂室處虛白羣義窟
之黨速道流之客發奧滌玄遐鈎獨索必資振擊以
聳聽常假指麾而就適則知好塵尾者將害物以嬰咎
執象笏者徒徇祿而何有用側於心亦勞於手既因時

而能遷在理順而體便素質或輕於流俗貞姿或重於高賢故貞其形則示屈而表伸致其用則物疎而道親豈節歌於烈士可投贈夫幽人願如君意以靡極與靈壽而為隣

第二

同前韻

蘇子華

嗟夫約物之製智不可限利用則深論工太簡彼如意之在御得幽賞之餘裕雕飾非駭目之珍雅麗乃捎雲之輅絲柄玉質瓜首冰素啓嘉論之要端導指蹤之弘

度原其性也靈而貞度其體也堅而輕倚鮮膚而烟潤
掉皓腕而風生升堂間乎琴瑟入座偶乎簪纓荷親仁
之重顧承在握之深情羣幽人之居既挺乎高節如君
子之義因錫以嘉名工以盡智明乎所為樂貴聲和禮
存體易唯此物之閒素通達人之深義不擊竇樹而爭
毫經云毫象通用豈埋金陵而自累衆媚彩而求益我全真以
自適點珠翠之華筵宜幽捷疑作樓之烟策雖小曲而受
用終大正而不易動息含舒散之情拂拭滅風塵之跡

信而可久直而不朽每發四座之先不起一人之後亮
無心以應物寧効事而我有推本歸造化之工死節順
操持之手嗟乎在野之年亭亭碧鮮泣空中之墜露掃
石上之輕煙紆巧思以規規疑愜幽心而靜便永以暢
君之肌骨永以奉君之周旋亦有居守之臣感時之倫
分御服而恩甚擊唾壺而命迥胡一否而一泰因歌之
於古人

塵尾賦 并序

陳子昂

甲申歲天子在洛陽時予始解褐守祕書省

三字一作麟臺

正

字太子司直宗泰容置酒於

一無此字

金谷亭大集賓客酒

酣共賦席上之食物予為麈尾賦焉

天之浩浩兮物亦云云

老子作茫茫

性命變化兮如絲之棼

或以神好正直天監

一作蓋

默默或以道惡強梁天亦茫

茫此仙都之微獸因

一作固

何負而惟殃始居幽山之數

食夫

一作乎

豐草之鄉不害物以

一作而

利己每營道而同

方何忘情以委代而任性之不忘卒罟網以見逼受庖

割而罹傷豈不以斯尾之有用而殺身於此堂為君雕

俎之羞廁君金盤之實承主人之嘉慶對象筵與寶瑟

雖信美於茲辰詎同歡於疇日客有感

一有之字

而歎曰命

不可思神亦難測吉凶悔吝未始有極借如天道之用

莫神於龍受戮為醢不知其凶王者之瑞莫聖於麟遇

害於野不知其仁神既不能自智聖亦不能自知况林

棲而谷走及山鹿與野麋古人有言天地之心其間無

巧冥之則順動之則天諒物情之不異我心又何競於

猜矯故曰天之神明與物推移不為事先動而輒隨是
以至人無已聖人不知予欲全身而遠害曾是浩然而
順斯

凡一作皆集本

有即席探得麈尾賦

陸龜蒙

謝文靖桓宣武王東亭郗北府相與叩易論玄驅今駕
古散入神明之曠中稽道德之祖理窟未窮詞源漸吐
支上人者浮圖其形左擁竹杖支遁有度世竹杖右提山銘支遁

嘗著天台山銘

於焉就席

一作坐

兀一作引

若潛聽俄而齧缺風行

逍遙義立不足稱異才能跂及公等盡矚當仁咸云俯

拾

一無此十字

上人

一作道林

乃攝艾衲而精爽捉犀柄以揮揖

天機發而萬物

一作目

張大壑開而百川入於戲

一作嗟乎

世

路欹

一作崎

斜藏訛匿

一作掩

瑕陽矜莊而靜默暗奔競而

喧譁貞襟枳

一作柴

棘與旨泥沙雖然絕代清談客致

一作

置此聊同王謝家

凡一作皆集本

金剪刀賦

梁洽

金剪刀者奚其有情柔而能決堅而能貞表裏洞澈上
下鮮晶缺處磨盡銼間淬成長鋒貯其煙色秀色奪其
霜明值凝寒則勁質加勵霑微潤則青衣半生雙刃迴
合兩稜啟傾闕之而綵縷皆隱用之而畫尺常并及其
春服既裁寒衣欲替隙光入座蟠蛟龍於影中暝色浮
堦下星辰於環際且夫小而輕生閨閣之幽情新而利
為房櫳之名器開玉匣則飛光射人落銀床則喧聲碎

地色絳滿篋細錦盈箱推妙便製擇賢而當豈顧常規
而在準不徒借美而多傷方須取捨合時短長有若欲
去纖過不遺片善貪寸美而寬裁避一花而斜剪紕繆
者退之而自慙縹繡者進之而自勉莫不賞茲器之能
荷情人之妙選矣

瓢賦

崔曙

送子清醑挹茲瓢杓杓為器用勢本天作生也綿綿長
非濩落工雖能而莫騁宥有量而是度外象招搖中虛

橐籥汎然無繫似為客之漂流浮而不沉如從事之鳴
躍許何挂而厭喧顏何飲而為樂傳一杯之引滿更百
壺之竭涸倘遇主人之深恩敢忘此堂之斟酌

第二

以豈徒用乃
可珍為韻

韋 肇

器為用兮則多體自然兮能幾惟茲瓢之雅素稟成象
而壞偉安貧所飲顏生何媿於賢哉不食而懸孔父嘗
嗟夫吾豈離方葉配金壺雖人斯造製而天與規模柄
非假操而直腹非待剖而刻靜然無似於物豁爾虛受

之徒黃其色以居貞圓其首以持重匪憎乎林下逸人
何事而喧可惜乎罇中夫子寧拙於用笙匏同出詎為
樂音以見奇牢悉各行用謝婚姻之所共受質於不牢
成形而有待與簞食而義同方杯飲而功倍省力而易
就因性而莫改豈比夫爾戈爾矛而勞乎鍛乃礪乃於
是薦芳席娛密座動而委命雖提挈之由君用或當仁
信斟酌而在我挹酒漿則仰惟北而有別充玩好則校
司南以為可有以小為貴有以約為珍瓠之生莫先於

晉壤杓之類奚取於梓人昔者滄流曾變蠡名而願測
今茲廟禮請代龍號而惟新勿謂輕之掌握無使辱在
埃塵為君酌人心而不倦庶反朴以還淳

文苑英華卷一百八

欽定四庫全書

文苑英華卷一百九

宋 李昉等 編

器用八

竹杖賦一首

叩竹杖賦一首

簾賦一首

席賦一首

清簟賦二首

鎮座石獅子賦一首

砥石賦一首

擣練賦一首

竹杖賦

庾 信

桓宣武平荊州外白有

藝文類聚
有人字

稱楚丘先生來詣門

下桓公曰名父之子流離江漢孤之責矣及令引進乃

曰噫子老矣鶴髮鷄皮蓬頭歷齒乃是江漢英靈衡荆

杞梓雖有聞於十室幸無求於千里寡人有銅環靈壽

銀角桃枝開木瓜而未落養蓮花而不萎迎仙客於錦

市送游龍於葛陂先生將以養老將以扶危先生笑而

言曰中國明於禮義闇於知人心之憂矣惟我生民雖

復疎條勁柘促節貞筠杖端刻鳥角首圖麟豈能相予

此疾將予此身若乃世變市朝年移陵谷猿吟鷹厲風
霜慘躋楚漢爭衡袁曹競逐獸食無草禽巢無木于時
無懼而慄不寒而戰胡馬哀吟羌笳悽嘯親友離絕妻
孥流轉玉關寄書章臺留劍寒關悽愴羈旅悲涼疏毛
抵於增繳脆骨被於風霜髮種種而愈一作短眉鬢鬢
而競長是以憂幹扶疎悲條鬱結宿昔傲醜俄然耆耄
變田鳳於承宮改陽文於駿茂潘岳秋興嵇一作舍生倦
遊桓譚不樂吳質長愁並皆年華未暮容貌先秋予此

衰矣雖然有以非鬼非蜮乃心憂矣未見從心先求順
耳伯玉何嗟丘明惟恥拉虎押熊余猶稚童觀形察貌
子實悲翁別有九棘龐眉三槐暮齒孔光謝病袁逢致
仕吳淠不期楊彪喪子明公此贈或非乖理先生乃歌
曰秋藜促節白藿同心終堪荷蓀自足驅禽一傳大夏
空成鄧林

叩竹杖賦

庾信

沉冥子遊巴山之岑取竹於北陰嫵娟高節寂歷無心

霜風色若露染斑深每與龍鍾之族幽翳沉沉文不自
殊質而見賞蘊諸鳴鳳之律制以成龍之杖拔條勁直
璘斌色滋和疑輪人之不重待羽客以相貽青春欲暮
白雲來遲謀於長者操以從之執末而獻無因自持諸
蔗雖甘不可以倚彼藜雖實不可以美未若處不材之
間當有用之始魯分以爵漢錫以年昔尚爾齒今優我
賢書橫几玉塵筵則函之以後拂之以前爾其摘芳林
沼行樂軒除間尊卑之垂悅隨上下之遊紆夫寄根江南

森森幽潭傳節大夏悠悠廣野豈比夫接君堂上之履
為君座右之銘而得與綺紳瑤珮出芳房於蕙庭

簾賦

孫逖

智者創物有以而然簾之為用博利存焉若乃少婦重
閨王孫華館映錦屏以猗猗增繡戶之煥煥瓊鈎上而
齊女謳珠影垂而楚妃歎蓋私宴之樂飾異在公之達
觀至於因依華省隱映長廊交輝朱紱接影金章隔至
人之清鏡雜僊署之餘香禁鐘啓明納晴天之曙色嚴

城驚

疑作
警

夕引華月之宵光
盼睐成寶終然允臧
豈備

物而致用亦道同於君子
輕明無隔將引喻於虛心卷
舒任時足炯誠於行已
組織成象含游夏之文繩約善
結得老莊之理豈徒然哉
斯盡美矣原夫青青梁苑
猗猗淇澳冒雪停霜是稱脩竹
紆匠人之巧思列冢卿之
華屋甘剖節而離根奉榮光
而再穆則有製長笛成洞
簫器同握玩聲引風颭徒
擅名於昔日詎齊美於今朝

席賦

彼美嘉席施於高堂廣狹有準卷舒匪常承以彩薦貯
之牙牀玉几蟠蜿而上列寶屏邈迤而外張狎高瑟必
疑透響染薰爐以流香瞰金牕以隔影瑩珠箔而凝芳
洎乎禮義多則卑高異行或主或賓浹歡於北院東嚮
西嚮取上於南方南方何有是有是酒或因食而即前
或屬虛而盡後彼固若是不亦如斯必順時以革易乃
任人以推移不正不坐道通於曩儀寒溫暑清自有其
先規所以簞固夏設席乃冬施傾莊敬以揖讓成

疑作誠

君子之攸宜管寧別居且申情於分割曾子避坐將有

敏於謙撝若夫行之於俗蘭房之曲有美一人容顏如

玉樞長裾

一作裾

而來就斂雙眉而下矚憐纖綴而留心

賞華新而不足凌朝啓鏡入夜燒燭每因眠而取暖加

以羅衾怨孤坐而多寒增之錦褥則有務學之子安貧

順理潔

一作潔

酒攜琴耽籍翫史居環堵而養性遙太階

而虛俟出陳子之幽局慕戴公之重美既懷珍而待聘

當彈冠而入仕詩言我心匪席不可卷也斯言豈謬矣

清簞賦

仲子陵

創物者必正其名以清命簞惟簞斯清雙入巧作連心
織成始葱蘢而席卷終絢練而砥平本其初則王爾運
心班匠寓目吳谿亦剛楚澤寒竹皓斡冰截素膚縞裂
斷此枝間畧其溝節然後角軼手匠妙意文理橫生波
瀾洊至雕龍綺錯切玉鱗次澹冰泮而泉開分霜勁而
雪地疑信通才之云欲非吾人之所為於是時授形疑
暑天旋太陽山成爛石泉若探湯有美一人兮明時節

求暑備兮珍簟長知辟荔之空靡意荃蘭之虛芳若乃
買以兼金緣以純錦思因人之共弊庶君子之安寢出
此入彼俱處芳蘭之室上據下承必兼芬若之枕况乃
虛館方晝華堂且空高梧閱景密篠生風撤文茵與綺
席虛翠幕及朱櫳惟珍簟之在御望美人之來同美人
遲兮隔脩路對珍簟兮日已暮矚筵幌之虛深卧層雲
之空度帶餘霞而歛綺映片月而舒素昭列宿之清光
披青天之薄霧于時輕篔屏用微綃罷服霜簡自淒冰

壺增肅涼風忽至獲五福之康寧炎氣四除忘庶徵之
時燠且物有小而喻大事有淺而用深道之將行我則
開而當暑道之將廢我則卷而在陰是謂清簞之理願
為君子之心

第二

獨孤授

楚竹嬋娟英柔碧鮮折其膚以為簞俟方暑而登筵信
服物之妙麗何巧心之纏綿故匠士意其用也清以目
焉有若粉署僊郎翰林高價義鈞膠漆官則同舍獲五

尺之珍簟當三伏之炎夏以為身之所安願與友而共
藉嘉貺允屬其人如玉發緘而冰氣驚容入座而波文
滿目在一物之足貴亦兼金而匪欲親於體有寢處之
同觀疑適於時念卷舒之齊躅矧夫畏日赫赫蒸雲爍
石高館沉沉面池枕林芳華交映軒雨疑靜深乃爾娛
坐開張聯心清引微颺涼迴夕陰可以娛幽獨可以蕩
煩襟賦明水而詎屏委輕扇而自任幸君之拂拭奉君
之休息襲握蘭之晨芳叅覆錦之夜飾貞可比操文用

表德入芙蓉之幕煥以相鮮照瓊樹之姿粲其增色亦
有別號行唐是稱流黃紋織錦象凝霜承以羅綺薦
於玉牀肅葱籠之翠幄取寂歷之洞房夫君不至而碧
鮮迴美人獨居兮清晝長雖或殊姿而異質亦云蠲暑
而致涼物則周用時然斯在遇陽之夕陳於寢以發華
洎陰之興韜於筒而祕彩懼流麝疑而將暗同棄席之
見待儻無忘於遺簪為君含情而不改

鎮座石獅子賦

以今日良
宴會為韻

閻隨侯

有西域之奇獸獸

疑

嘉名於古今因匠石之著象非虞

羅之所擒若乃良牧見悅觀者同欽以可重而作鎮將
制猛以示心仁而能馴似悅君子之德獸用不擾無假
虞人之箴爾其拂拭為容剖斷成質臨玉簞而雙麗向
雕楹而對出形勢雄壯似生入戶之風浮彩輕明欲奪
臨軒之日用之則進捨之則藏信賢智之堪擬豈飛走
之可當幸茲為玩設彼華堂祝之者震來虩對之者
容自鏘鏘俯以瑠璃之砌安以玳瑁之牀芳座艷綺羅

之色錦衣染蘭麝之香光耀銅武彩映銀章威帽百城
寨帷見之而增懼坐鎮千里伏猛無勞於武張有足不
攫若知其豢擾有齒不噬更表於循一作馴良豈比夫昔

者作貢從來於遠幸蒙處之羅薦承榮靡倦一為席上
之珍幾對高堂之宴棄置為從於取捨光價幸生乎顧
盼觀乎府庭之內莫之為最其情也無欲於中其質也
見生於外既狎人之不恐亦與物而何害願承剪拂之
恩長表衣冠之會

砥石賦

并序
在朗州
時

劉禹錫

南方氣泄而雨淫地慝

一有
而字

傷物媪神噫濕渝色壞味

雖金之堅亦失恒性始予有珮刀甚良至是澁不可拔

剖其室乃出邈陽眇眦傳刃蒙脊鱗然如疖痂如墨

一作

黑子如青蠅之惡銳氣中錮猶人被病然客有聞焉哀

密石以遺予沃之草映

一作
搜

雜以烏膏切削下上真質

焯見躊躇四顧返爾謝客微子之貽幾喪吾寶客曰吾

聞諸梅福曰爵祿者天下砥石也高皇帝所以礪世摩

梅福傳即用此摩字諸本作磨非

鈍有是邪予退感其言作砥石賦

我有利金兮以利為佩遭土卑而愚作兮雄芒為之潛晦如景昏而蝕既兮與肌漆而為厲顧秋蓬之不可刺

兮尚何

一作可

遊乎髓髀之外利物蒙蔽材人惆悵伴百

沃之至精蟠

一作捕

一檢而多恙豈害氣之獨然兮將久

不試而然彼屠者之刀

一作刃

兮獵者之鋌不灌不淬兮

柔錯

一作錫

銜鉛日鼓月揮兮封腴擊鮮睨燿燿以耀芒

一作醜燿

燿以輝芒 翁淫夷而騰羶豈不涉暑而蒙沴兮鼎用之

而成妍有客自東遺予越砥圭形石質蒼色膩理刻其
鱗皴滑以滄瀟如衣澣垢如鼎出否霧盡披天萍開見
水拭寒焰以破昔擊清音而振耳故態復還寶心再起

既賦形而終用一蒙垢焉何恥感利鈍之有時一作寄

雄心於瞪視嗟乎石以砥焉化鈍為利法以砥焉化愚

為智武王得之商俗以厚高帝得之傑材奔走一作傑材以奏

得既有自失豈無因漢氏以還三光景分隨道濶狹用

之得人五百餘年唐風始振懸此大一作天砥以龍兆民

播生在天成器在君天為人君

二字一作物天

君為天安有

執利

一作礪

世之具而患乎無賢歟


凡一作皆集本

擣練賦

魏 瓘

細腰杵兮木一枝女郎砧兮石五彩聞後響而已續聽
前聲而猶在夜如何其秋未半於是拽魯縞攘皓腕始
於搖揚終於陵亂四振五振驚飛鴈之兩行六舉七舉
過彩雲而一斷隱高閣而如動度遙城而如散夜有露

兮秋有風杵有聲兮衣有縫佳人聽兮意何窮步逍遙
於涼景暢容與於晴空黃金釵兮碧雲髮白素巾兮青
女月佳人聽兮良未歇擘長虹而乍開凌倒景而將越
是時也餘響未畢微影方流逶迤洞房半入宵夢窈窕
閒館方增客愁李都尉以胡笳動泣向子期以隣笛增
憂古人獨感於聽今者况兼乎秋屬南昌舊福東魯前
丘昇黃綬之堂論文謝賈入素王之廟捧瑟齊由願君
無按龍泉色誰道明珠不可投



文苑英華卷一百九

欽定四庫全書

集部

文苑英華卷一百十二

詳校官內閣學士臣瑞保

助教臣常循覆勘

總校官進士臣朱鈐

校對官中書臣陸湘

謄錄監生臣龔秉震

欽定四庫全書

文苑英華卷一百十

宋 李昉等 編

器用九

律筒賦一首

河南府試筌蹄賦一首

得魚忘筌賦一首

錐處囊賦一首

處囊錐賦一首

濾水羅賦一首

鹿盧賦一首

桔槔賦一首

甕賦一首

鐵火筋賦一首

律筒賦

高 郢

碧鮮之竹抹而為筒定名以律一式疑厥功厥功伊何
所指必捷下彼高鳥紛如墜葉徒觀夫抱璞見素旨遠
謀深不煩筋角不飾碧金直道而行故外端其體當無
有用故內空其心於是步郊原窺林樾律凝其影運一
氣以潛通箭戢其芒出數尋而勁發鏃如擊電羽若奔
月我命處而精誠彼不虞而殞越亦如毛生耀穎初晦
跡以躊躇周氏銜枚竟收功於倏忽煙栖霞宿擇木排

空莫不洞胃裂背奪鬼喪躬朝在林泉之上夕登梓俎
之中足使掇蟬失妙彈雀非工潘令慙黃閭之弩廐尹
賤綠沉之弓有士遇之喟然歎曰律者氣之管法之名
竹者材之勁性之貞兼此而用之匪亨向也已注在
前人不錄虞氏不營混樗散而長棄何器用之能成孔父云
舍之則藏用之則行信不虛矣

河南府試筌蹄賦

邵說

至道玄默真宗朴素莫究其源孰知其故將假物以明

象乃忘言而立喻若筌在魚若蹄在兔苟或數澤之內
以時而肅設溪澗之間應節而周布乃凌岑壑忘蹄與
筌興言溥狩命駕忘旋魚潑潑以隨波樂只兔爰爰而
得性怡然好之者徒發歎於終日觀之者空起羨於臨
川斯無虞於即鹿寧有望於烹鮮於戲道有興廢時有
通塞羨魚如之何匪筌不得逐兔如之何匪蹄不克猶
蹄在兔兔既獲而蹄可以亡猶筌在魚魚既烹而筌可
以息亦何異遊道藩者揮郢匠之斤遇道樞者削公輸

之墨彼損之而又損故不得而有得是以聖人立教所
實惟真勤求若喪之旨遠索忘言之津還淳返朴求於
道要絕聖棄智無為實賓故卓立攻始輝光日新夫子
將欲論筌蹄於宜觀盍若考前途而後遵

得魚忘筌賦

以適道知歸言
象皆遣為韻

陳仲節

魚也者重泉之微因筌而索與玄珠而同歸筌也者虛
舟是依因魚而棄將緣疑木而有違始鈎深以假器於
是終釋手而喻指之非詎比弓藏方隨矯木靡因火化

奚貴焚機所以乍觀象於十日終遺形於九圍其得也
且非貪餌誰曰在藻既涉無而恬鱗斯獲將遺有而虛
室是寶其忘也寧捨不材匪投有吳陶唐絕巧棄智故
然雖愛必捐若遁圓離方孰謂不由其道故無用者木
上之罾則虧有情者在梁之翼何為彼用拙徒觀於進
退此情留寧識於推移故曰因動而忘筌為後覺投虛
自得魚匪前知豈殊舟既焚而空濶先濟屣將脫而止
足由斯予以探幽落焉藏往方之俯拾故何啻於盈筐

錐處囊賦

以素礪鋒穎居然自彰為韻

惟國生賢囊錐喻焉囊之體也柔不能挫其銳錐之資也利自可以疑行一字攻其堅固脫穎而出矣豈潛芒而蔑然當其組織而備鍛鍊而利既括之而無咎亦藏之而轉祕察其所安觀其所自則錐也遇處囊之日囊也為置錐之地爾其捨之則藏輝然有光匪宣其利將掩其銛質雖蒙其磨錯鋒已露其雪霜既隱之而斯見亦抑之而復揚笑矢之在囊潛而勿用殊玉之被褐闇然不

爰取坐遷義非同於解網必也窺清泚憑浩蕩是務得
一不矜牽兩黃緣而來為得魚之象必也祛其意窒其
源舟無五覆道遣三幡展轉而棄為忘筌之言使彈鋏
嘉賓不樂烹鮮之味投竿公子何勞餌捨之煩若然投
者諒非赴澤在虛心而自適諒非卷懷將適道以孔皆
然後蟬蛻萬象鴻毛百骸有漁人聞而辨之曰是言也
始以神遇終將理遣謂鱗介非掩豆之實以巨浸為覆
盆之淺然乎哉吾何必鳴榔而遊行

遇飾躬有素囊之既處嗟毛遂之未知錐之可方儻平原之一顧

處囊錐賦

以賢者處代必聞其人為韻

獨孤申叔

囊之為物也虛受而無遺錐之為器也利用而攸資彼式處焉必將勁而出矣此乃柔止安得固而藏之遂得耀穎於紉縫之處呈銛於挫銳之時諒過之兮不可非剛克兮何其炯炯乎從革之資纖纖乎徑寸之質露微銚以外見透虛囊而首出方同人之處晦靜以求伸比

彰無謂其利博其功細用每施於補履色更因於作礪
彌堅者觸之必通嘗巧者用無不濟是以銛鋒不得而
永潛輕縷不得以久蔽其受也含虛其出也有餘柔以
外表剛而內居囊若擲於荆卿我殊於藥囊若焚於郭
璞我異於書亦當蓄其銳露其穎罔退尺以韜光每進
寸而懸影漏褚中之物比之不同爭錐末之人窺之自
警誰謂利器密其彌縫用之則行或可執其柄動而逾出
不可當其鋒宜掌握而為美豈緘滕而是從別有藏器未

達士之奮奇物莫能屈既藏身於不固寧脫穎之無必
觀其觸之必徹指之必穿方將動而愈出孰曰鑽之彌
堅所以趙氏克明因之而興喻毛生不讓比之而自賢
信立德而法矣誠有待而言焉且賢之在代也或默或
語猶錐之在囊也或出或處囊雖固兮錐必自分代雖
溷兮賢罔同羣豈比夫不銳者載繁疑載考而莫出不
善者四五十而無聞是以匪無思乎指地將有望於
決雲吐穎呈鋒磨礪而自我投奇擢異提攜而在君嗟

乎道之將行也必有用我者彼賢未達雖執鞭而尚從
我道有庸寧補履而為下向使無銛鍔之珍為鉛刀之
倫縮勁挺於囊橐受頑鈍於陶鈞復何異恍惚之內物
鴟夷之中人君子曰是事也可以為鑒戒可以明進退
豈獨美於一時蓋垂規於百代

濾水羅賦

以濾彼水蟲疎
而無漏為韻

白行簡

羅之名兮惟一羅之用兮不同彼以獲禽為利此以救
物為功象夫天而圓其外體乎道而虛其中執拯溺之

心忘乎雲鳥表好生之德及其水蟲觀其膺用之初裁
成之始利物提挈順時行止夕挂於壁若滿月之在天
曉用於人狀圓荷之在水爾乃匪虛實如有無心寧勞
於凝滯體非憚於沾濡伊紗燈之護蟲則理齊而功倍
彼綸巾之漉酒乃跡同而用殊若夫氣爽秋曉景光春
晝臨桐井之銀牀近蓮塘之玉甃於是銅瓶傾瀉金盆
俯就迸千點之珠光垂一帶之水溜初疑散絲之雨灑
綠雲而亂飛又似瀑布之泉穿碧烟而下透且夫環之

勁鐵取其堅而不朽，幕以輕紗取其疎而無漏，彰妙用於不凡，表深仁而善救。濾顏生之瓢水，欲飲而徐清漉。范令之釜魚，將烹而獲宥。然則開三面者，其仁未如張一目者。其害有餘，曷若篩糜蟲而必礙，投勺水而皆虛。縱醯鷄為解羅之鳥，捨井鮒為漏網之魚。斯則用資於生，不資於殺。仁在乎密，不在乎疎。夫以道存仁，怨水何大而，不濾物莫隱。欺蟲何微而見遺，雖焦螟之生必全。有以小為貴者，江漢之流雖大，盡可一以貫之功。且知

其至矣用寧憂於已而客有撫而歌曰玉卮無當兮安
可擬風瓢有聲兮不足比惟濾羅之用也大哉故取此
而去彼

鹿盧賦

以利用汲
引為韻

仲子陵

智者創物以見意立成鹿盧以為天下利木德標象金
行効事與桔槔之用則同比筍簞之形不異井之勿幕
瓶亦汔至當於要路之津存乎兼濟之地忠也陳力而
就列孝也致養而不墮圓靜則智士之心通流乃仁者

之志故鹿盧之體一有君子之道四觀其得位攸處居中特立從繩以寸工假器以尺汲自上下下者念茲以有成虛往實來者釋此而何執利物不言利急人之所急捨之則其道可卷而懷用之則其功可俯而拾及夫挈瓶所施懸綆所統崇朝以聞乎三捷永日何啻乎七縱為萬人仰與天下共其靜也則無機之機其動也則有用之用德必不孤賢亦有準泉蒙者道為之廢井渫者心為之軫無忘乎牽攀蓋存乎汲引斯亦惠而不費乎

賢人之業於是乎盡也

桔槔賦

王契

智者濟時以設功強名之曰桔槔何朴斲之太簡俾力
役兮不勞作固兮為我之身臨深兮是我之理若虞機
張如鳥斯企山有木因工見汲引之能異乎水自我成
潤物之美不羸瓶而上出何抱甕之勤止執虛趨下雖
自屈於勞形持滿因高終見伸於知己鄭圃之側潘園
之旁溝塍綺錯畎畝相望帶嘉蔬兮映芳草背古岸兮

面垂楊欲建標以取別能舉直而自強若垂竿兮匪釣
象燿火兮無光不忘機以棄俗乃習坎而為常隨用捨
而俯仰應淺深而短長重泉之水兮不滯九畹之蘭兮
益芳雖欲絕學以棄智其若得存而失亡歌曰大道隱
兮世人薄無為守拙空寂寞老圃之道可行何恥見機
而作

甕賦

衛 荼

古人得象兮創經營肇彼羣橐兮疏厥名瞻茲甕之為

質乃陶人之所成非耳目之華侈留器用之深情若乃
虛以為量滿而戒溢內容乃體外堅其質在埏埴之厥
初諒邀奇於斯日濟家人之攸務故陳力乎虛室藏用
所資詎可談悉至如原憲貧病蓬戶攸居以甕為牖含
風自虛知道而樂其神晏如及夫漢陰抱甕高情悠邈
絕乎澆風敦其至朴同夫大道於焉卓犖若夫吏部既
醉乘興來眠漏傳永夕酒泛如泉酣飲無度其人在旃
考異宏圖微疑奇遐紀條支之鳥卵猶類園客之繭形

可擬非心虛之可測徒耳聞而是矣厥品之為用自禮
經以疏跡固有順於時須乃全之而不易含虛而稱從
宜所適粵若稽古兮聖唐銀甕常滿兮珍光靈液滋兮
寶物用呈絕瑞兮詠太康小子同螢爝之微火耿光凝
於斯章

鐵火筋賦

以堅剛挺質用
捨因時為韻

楊洽

物亦有用人莫能捐惟茲鐵筋既直且堅挺剛姿以執
熱揮勁質以凌煙安國罷悲於灰死莊生坐得於火傳

交莖璀璨並影聯翩動而必隨殊叔出而季處持則借
至豈彼後而我先有協不孤之德無愧同心之賢至如
玄冬方返寒夜未央獸炭初熱朱火未光必資之以夾
輔終俟我而擊揚焚如焰發赫爾威張解嚴凝於寒室
播溫暖於高堂奪功錦一作綿續挫氣雪霜夫如是則筋
之為用也至矣於何不臧銳其末而去其利端其本而
秉其剛信尺筭之莫儔何支策之足重專權有宏故我
獨任而無成雙美可嘉故我兩莖而為用抱素冰潔含

光雪新同舟楫之共濟並輔車之相因差池其道勁挺
其質止則疊雙用無廢一雖炎赫之難持終歲寒之可
必嗟象筋之宜捨始階亂而傾社鄙囊錐之孤挺卒矜
名於露穎伊瑣瑣之自持獨錚錚而在茲佐洪爐而罔
忒煩素手而何辭因依獲所用捨隨時儻提握之不棄
甘銷鑠以為期

文苑英華卷一百十

欽定四庫全書

文苑英華卷一百十一

宋 李昉等 編

服章一

受命寶賦一首

鎮圭賦二首

信圭賦一首

珪璋特達賦一首

服蒼玉賦一首

山玄玉賦一首

珮賦二首

受命寶賦 并序

梁 肅

受命寶在昔曰傳國璽自秦始皇有焉蓋取夫一世二

世傳於無窮故有傳國之號歷兩漢至於陳隋隋煬

一有

帝之遇禍也字文化及盜之而

一有西字

寶建德滅化及取

焉易稱物不可以終否武德中太宗一戎衣而天下大

定是器也與璽同歸國家用之以受命所承更名大寶

唐車服志天寶十載改傳國寶為承天大寶

而多歷年所自前代觀之受天

明命則不求而得僭賊劫遷則得之而失蓋神物之所
在非徒然也抑又聞之鼎之輕重與璽之去留莫不視

德之上下位之安否

一作危

若恃寶命在己而恣心堙耳

漸乎

一作至

危殆以負辰之尊被竊鈇之言當此時也此

片玉耳復何為哉竊讀史氏感興亡之器忽徼覲之類於是作受命寶賦若形制之小大厚薄則未始詳也故不備焉其詞曰

物之貴兮惟玉之英翕二氣以成形極

一作涵

百寶之純

精卞氏得之三獻而後明當秦趙之抗衡挺高價於連城伊玩好之所資微神器之鴻名及夫秦始稱皇削平

六王為龍為光追琢其章其文曰受命于天既壽永昌

其始也謂世有哲王傳國寶之無疆何逆天以暴物不

及期以降殃惟陰陽

一作陽

之運行終受授

二字一作有受

而不

常隨素車與白馬歸赤精於路旁逮夫漢業中微后族

專命祿去公室世移威柄實沙麓之遺瘵成巨君之篡

害雖擲地以慷慨終莫救夫顛沛俄漸臺之頽覆

二字一作

頽移歷更始與赤眉咸庸懦而不居卒亂長而禍滋洎四

七之龍驤為火主以得之遂祀漢以配天延二百之炎

輝苟非其人寶命不歸悼桓靈之不嗣置天下于阽危

既而赤伏道喪黃星兆發雲雷邁屯朝社播越去乘輿

而漂蕩入胥井以蕪沒披一作拂草萊以拯之實功存乎

武烈何典午之傾潰劉石盜以自尊既江表之卜年遂

歸明以去昏五世推移或亡或存失得由道一作失隋由道喪

一作值之并吞始負險以爭雄俄銜璧而來奔惟大業之

離垣一作阻由君昏而黷武豺狼呀以當路郊廟棄一作毀

而失主望夷之釁既發斯器淪於榛莽昊天有命眷我

高祖騫飛汾晉震疊闕輔

一作震疊開輔

雲行雨施雷動飈舉

聖人既作萬物斯覩于斯時也充德扇結束周琬髀帝
謂文皇陳師往伐如火烈烈如風發發牛口先撥虎
牢則達致四海於昇平混車書以同轍惟神器之有
在終告歸乎一作于魏闕考乎先王之統世也以文經
天以武緯地觀象備物從宜制器播而用之為天下利
故曰大德曰生大寶曰位位之升降唯道所至先王審
其所以故為大於細為難於易然後本不搖而末不墜

安危之體鑒此而已若夫符命之所加歷數之所歸莫

不天人合

一作啓

發區宇樂推休祥煥然靈命顯思是以

有守有失動而悅隨苟貪叨與僭亂莫不速禍而召危
此玉也公路執持衆叛而親離趙高引佩殿壞而身糜

一作糜

惟前軌之昭昭孰可幸捷以取之若答曰吾皇有

命如天有日傳寶在我昏庸自佚則陸渾無問鼎之事
歷代無奉璽之術苟思慮於廢興故不既得而患失於
戲天發禍機聖人定之天生神物聖人用之唐哉皇哉

大人造之子孫百代永言保之

凡一作皆集本

鎮圭賦

以王者端拱四維
鎮寧為韻依次用

元 稹

天子鎮圭十有二寸其長義在撫有十二州之域而為
億兆之王圭比德焉所以表特達之美鎮大名也有以
示彈壓之強以之徵守則有土之臣至以之郵患則受
災之地康當寧無為於南面朝日有事於東方乃會百
辟而執之班五瑞於來者作山龍之端表我則清光皎

然雜蒲穀以成形爾乃鞠躬如也想夫彤闕一作乍曉

闕

碧砌生寒當玉座而高居狀中峯之冠瑤岫透鑪煙而

迥出意秋月之壓雲端是以聖后矜持庶寮瞻重安八

荒於術內故捧必當心握萬務於掌中故大不盈拱映

冕旒則璿樞星綴開黼黻一作辰而瓊枝花擁豈獨使威

儀可觀亦以明社稷有奉美哉聖人之制器也靡不有

類銳上以象天方下而法地備采章以畫飾琢一作崇

琢

高而定位夫衆色不可以雜施依方面之正者惟五羣

山不可以咸寫選域中之大者有四盡舉凡而得一故
相傳而莫貳義存敬慎道在底綏詳觀紐約足辨操持
俾經制之不亂若繚藉之相維况國家備物繼周垂衣
體舜自天有命非因桐葉而封唐提象握機故配土行
而執鎮豈唯傳歷代之瑞寶抑亦彰受命之符信也重
曰圭銳也睿作思而百志靈鎮安也安於道而萬物寧
亦嘗三復斯名矣所以表道德之維馨若此則君為道
之宰一作本器乃道之形苟能據於道而依於德亦可執

無名之璞而逍遙乎大庭

第二同前韻

蔣防

天鎮四野君尊萬方取威重以馭物在秉持而有章協
和人神蓋先之於六瑞表正旒宸誠用之乎百王斯為
貴也誠一作寶之大者琢磨有耀溫潤無瑕天臨靜謐以

我鎮壓乎寰中帝德休明以我熠耀乎諸夏皓爾凝潔
溫如可觀蘊五德之符采寫四鎮之峯巒其色正其容
端乃直乃方象名山而守固不瑕不穢春秋繁露曰玉有瑕穢配

王室以常安豈不真姿有奉嘉名天寵遠以視其凝命
近以彰其端拱大而不琢禮經匪尚其文華執之不迴
聖人無離其輕重想夫始自良工成茲國器端乎掌握
撫寧天地邦有六瑞而圭列其初國有三山而象包其
四穆穆之儀是佐溫溫之德斯備所謂天子是毗邦國
是維雲虹發色冰雪成姿玉几臨朝承德音而有裕金
門曉闢布寬一作仁政而無私是知岱華恒衡之高自此
而增峻琳瑯琬琰之美自此而發竒形抱素以呈竒聲

含清而取振當照臨之際曾不掩瑕在韜韞之時寧忘
作鎮所以朝九有接萬靈竒姿粲粲衆彩熒熒大禹成
功垂芳於帝典吾君致理酌憲於國經故曰觀一圭之
質見四鎮之形觀一夫之政見萬國之寧儒臣賦鎮圭
之事敢大揚于王庭

信圭賦

以分形立象于
以保身為韻

張仲素

瑟彼信圭諸侯是執當大君之辨等與五玉而咸集皎
以式孚堅如特立錫山川以為瑞在享獻而增襲而特

將一作

比德以省躬豈獨退揚而進揖懿夫潔白其質鎮

密其文得儀形之是表叙羔鴈以成群玷絕可磨不愧
南容之復性惟特達每勞宣代之分則而效之惟其嘉
矣觀正直可以行化取毀方於焉克已至若左右佩珩
淒鏘宮徵寧同乎信以守之豈嗟乎不我屑以韋弦可
譬琮璧自殊乎尹旁達陽采外敷因追琢以為用諒小
大之合符韞以保焉匪沽諸善價肖其人也宜賦以生
芻此乃邦之令典孰可已乎捧當心而捐疑於掌足以

見古人之象稟溫潤而洞晶瑩于以彰文物之形色配
彼蒼示不言之信神如此鑒同明德之馨所以掌節是
司藉之乎繅與蒲穀而齊列冀邦家之永保比楚王之
無瑕哂夏璜之有考或以圭為瑞或以象為珍傳命自
同於符璽達情可接於君臣稽彼前典光輝日新念君
子之作誠宜近取乎諸身

珪璋特達賦

楊 諫

稽上古之貴德考先賢之立言偉珪璋之挺異同君子

之不諼是以先王之制斯器也不資於瑛珉而采之於
璵璠欲使執之者比德佩之者克念自然威儀式序而
有要有倫班秩以明而不濫不僭徒觀夫貂蟬巍莪以
耀彩組綬暉映以生文使夫閱信義堅貞以守職感瑕
瑜不掩以事君故能靖恭厥位克舉其勲豈不由珪璋
與賢拈相成其業曠千古而流芬則聖哲之創物也誠
有足而稱云原夫氏一作代人莫識荆山之裏藏精淪滓
為寶未用多歷年祀笑瓦礫之相和喜蘭蓀之狎士嗟

乎道不常屈終收卞子磬錯而真質自然拂拭而夜光
特起悲楚君之瞽昧屬一作曷砮砮之能似既而玉人攻
治珪璋自尊短長有制規矩攸存其聲清越其潤溫溫
處掌握而升玉砌隨佩服而列金門暉映增美烟然自
持涵瑞日之洞徹凜寒風之淒其然後知至寶之成器
允夫天下之不疑亦由賢人君子遭遇惟時有強學懷
書清規皎如以不貪為寶思琢磨自居感珪璋之特達
期哲人之吹噓

服蒼玉賦

以天子之服從
此方色為韻

獨孤申叔

天配五色惟春也蒼然地孕萬物惟玉也堅焉玉可久
持故君子比德於玉蒼實正色蓋聖人形象於天歲既
陽止色其著矣東方木德之令蒼本靈威之紀順其色
繫象服是宜飭其容信以蒼為美晶熒兮其瑩如碧追
琢兮其平如砥實同法服不敢違於先王有異象環獨
見用於孔子若乃太史告立春之期天子迎東郊之時
映乎玄冕節以采茨瑟若生芻之色肅乎出藍之姿縈

垂組而溫潤澤矣繫衝牙而左右流之質且異珪終乃磨之無玷色雖匪白誰謂湮而不緇故能間五玉先四服混玄冕曜黃屋微白虹之皎潔對蒼龍以照燭豈非哲匠之所逢他山之所攻採此溫如之質擇其善者而從得佩之服之於此琢之磨之於彼齋蒼璧之獲薦異白玉之見毀色磨時用寧侔純漆之玄彩非染成詎比奪朱之紫矧乎四氣莫先乎春陽五位莫首乎東方九有具瞻其尊也帝皇萬物咸賴其大也穹蒼我廼應春

氣之德順陽和之則為帝者之行節候疑穹蒼之正色
叢四美而具宣冠羣王之攸克所以標嘉名於時令宜
乎哉垂楷模之無極

山玄玉賦

以奇質異文作
佩公侯為韻

沈 達

佩玉之設所以導容止節威儀惟山玄之在御配組織之
標奇山以表名蓋取山崇之德玄而載色且昭玄默之
宜合殊姿於雅稱俾服翫以無虧懿其韞積稱珍連城
表質爰制銜牙之用以戒趨馳之失匪取乎截肪自資

乎純漆響既清越理惟縝密色溫合乎緇衣韻鏘鳴乎
玉律動之在聽隨矩步而聲繁佩之在躬寧風趨而影
疾羣僚奉贄庶官陪位貴賤畢陳高卑咸萃我則發清
響標竒器飭彼雅容遵乎深意配元侯而禮盛奉上公
而儀備豈比瓊珉彰庶士之殊水蒼表大夫之異况乃
黝衡比色緇組侷文體玄瑞疑作端而位辨表黼袞而功
分或倚或垂昭君臣之異載揚載揖殊進退之間宜發
明乎盛德永光錫乎洪勳其質貞清其光錯落官推王

府之典制自玉人之作是用比德賢臣表功王爵始自
韜石未彰含暉尚晦隱玄山以參差冠玄雲而靈靈哲
匠莫顧俊賢未佩徒棄置於層巒豈琢磨於明代及乎
偶拭拂遇磨礱服之容美執之禮崇自可寶同乎金錫
豈惟價重於王公則知其律聿修在禮斯柔非夫賜象
服錫鳴璆何以膺山玄之瑞於諸侯者哉

珮賦

胡運

玉有環珮所以節威儀珪璋所以光朝覲朝覲貴乎特

達威儀在乎淑慎則珮之為用以德聞珮之為服以禮
進既取堅以縝密亦體柔以溫潤其彩烟明涵黼黻之
華其聲清越諧金石之韻豈止法先王之服戒乎大夫
抑以觀古人之象原之帝舜由是表尊卑之飾彰朝覲
之美佩山玄而抱水蒼搖搖兮耿光左宮羽而右角徵鏘
鏘兮垂委非徒抑其進退亦以制其容止則裂石破玉
靡顏膩理清清泠泠作羽儀於君子思我王度服之衷
已珩韞相煥品命不渝貫以桃花之綬錯以明月之珠

時也朝北極歷天衢明玉殿耀金鋪徽音生於矩步繁
響起於風趨濟翼為君臣之榮觀逶迤乃賢哲之令圖

亦何必裁

一作寒

修蘭於長坂折瓊枝於遠區然後為美

乎別有楚臺神媛越國

一作溪

名姝嬌羅艷穀秀色鮮膚

振鳴玉以亮響踐瑤階以踟躕聲珊珊兮若有無睇綿

綿兮意愉愉翩躑躑兮望坐隅欲從君子禮之拘乃歌

曰佩玉藻兮德音發中規短兮聲不歇馳畋獵兮思敬

慎壽考不忘兮長歲月端法服兮臨魏闕羣后覲兮萬

方謁

第二

麻不期

夫聖人彰德以建物表意以興名禮容孔備制度昭明
衣冠振序簪紱齊榮亦茲佩之為用隨劔履而揚聲觀
其所興爰自古昔玉華既重於周后嬪珠亦珍於漢辟
蓋將以威儀節度知無不易豈徒矜珠玉之芳聲喧步
頓之前跡懿其符彩照燭流曜暉光宮徵合韻左右鏗
鏘此亦邦國之儀範為衣裳之典章於是垂為臣倚為

主式標上下動合規矩亦非獨洛妃解贈於陳思漢女
見投於交甫爾其幽人所重君子攸資則蘭蓀馳馨於
楚客象環騰譽於宣尼斯偶物昇榮助荷衣之葱翠因
時適用陪藻服之歲黹既而天子會朝臣御華闕冠蓋
雲發公侯進退而為容卿士俛仰而趨謁茲珮也幸朝
儀不棄流響未歇既連帶於虹蜺庶傳名於日月

文苑英華卷一百十一

欽定四庫全書

文苑英華卷一百十二

宋 李昉等 編

服章二

銜牙賦一首

古君子佩玉賦一首

象環賦二首

印賦一首

笏賦一首

冠賦一首

進賢冠賦三首

貂蟬冠賦一首

彈冠賦一首

衝牙賦

以君子佩玉由
我成聲為韻

佩必有節牙惟應聲既熠熠以光動始鏘鏘而韻清馳
聲曲折之間突爾乃激方隨步武之際跳然若驚嘉其
琢自良工飾於君子冀靜聞而中矩每徐轉而知止乍
旁達以散遷忽高飄而間起比於德寧無故以去身習
乎容諒和鳴而入耳是知宮徵交應周旋必聞助清音
而靡絕混真質以纔分將觀其禮朝於君假抑揚而有
耀俟動靜以成文故乃藉此相攻彰夫必佩宵爾同聲

服而非礙，顧規模之可則，宛在其中。聽寥亮之無差，不離於內。則知俯仰寧阻，進退皆由。引異響而非往，配禮容而必周。虛徐互振，寂寞相求。洞晨照而彌徹，驚微風而更幽。原夫製彼竒形，韻茲良玉。雖杳杳以將盡，竟遲遲而潛續。澹以成章，靜而應曲。重輕莫雜，恒宛轉而下垂。左右皆調，每玲瓏而中觸。由是孤光屢進，片影彌輕。駐幽音而乍默，佩逸勢而俄成。方將應組綬，厠瑤瓊。應疾徐而洞徹，順激射以鏘鳴。故其悄以分音，玲然自我。

當待扣而逾寂匪輕搖而孰可豈不以佩服紛綸威儀
衆夥徵衝牙之微音然後知古禮之不墮

古君子佩玉賦

以思古君子行
必鏘玉為韻

裴度

伊君子兮何師邈淳古而繹思儼然有章相威儀于樂只
溫其如玉故切磋而佩之縝密是比貞明所資追琢
斯成既殊張氏之印清美可羨寧匹一作孔侯之龜是
用濯自丹水取諸玄圃君求美質我則表溫潤於光容
臣聽好音我則動淒清於步武結以紳帶綴以環組使

感之者在約而思純服之者居今而行古豈比夫詩人

無文贈雜佩兮夫君騷人著美紉幽蘭兮之子是以嘉

其抱素質

一作貴

以合真想見白虹之氣思文

疑

清越之

聲發凝輝兮既昭我述鏘雅韻兮必俟君行是以敬慎
侯度獨高人情至若斲以為壺徒玩其質執而為璧徒
旌其秩豈若用之有方垂之無必威儀棣棣居則粲然
之光進退瑒瑒動則冷然之律是以古之君子物有其
章溫恭可象環珮其鏘既覩容而生敬諒播往以傳芳

然則貞玉之質非賢無以服用昔賢之珮非玉無以表彰故佩斯敬覩斯莊方今野無遺賢山不藏玉彼華佩兮同昔時以入用彼君子兮思古人以自勗故能振休風播淳俗則今日之佩玉昔賢之高躅者也

象環賦

以謙德無事
循轉為韻

錢起

聖有制作

一作聖
有其制

人具爾瞻是環也用之撝謙成乎其

規故有典有則全乎其素故匪雕匪刻動法天旋溫如玉色可以觀象見意可以取文昭德終日佩之其儀不

忒懿夫員通既固雅麗且殊皓質中澈騰光外敷守其
明也處暗室而不昧偕其道也映素服而如無鄙南容
之圭貞而猶玷嗤卞氏之璧瑾而不瑜升諸組綬不亦
宜乎或有黃雀酬恩鄭商所利其名則一其宜則異皆
浮俗之所珍乃老氏之遐棄寧若斯為美也將君子而
比義文而不華垂之如墜循環無極參日月之在躬佩
服有常於韋弦而戒事固知宣尼之旨有要有倫於一
能此表禮創物乃將卑服謙身是以成形而不受其彩

散璞而不失其真瑩爾情性潔白惟純導爾情性貞明
日新捨之則禮容若缺用之則法度是循物既合權古
稱其善常虛心以隨運雖匪石而可轉覩妙用之昭宣
知前哲之舒卷

第二

同前韻

沈仲

佩服之設惟德是瞻夫子之服素而博夫子之德稱而
廉式制象以表諸儉豈無玉兮體乎謙謙而伊何服用
有則捨寶佩庶以彰其無位制象環實亦明其讓德匪

玉兮匪金是雕兮是刻取其焚身之齒奮其截肪之色

磨而不磷涅而不黑

縑一作

相彼缺

一作

矣謂其缺

一作

之有離制此環兮體其環之不極因良工以表器奉聖
人以聘國苟炯戒之斯存曷威儀之有忒於是不師爾

制

一作

爰始我謀

疑作

錯落增色晶明克殊寫金規於

顧免掩素彩之隨珠崇其五寸之範輝彼十圍之軀貴

其文兮我則文而能潔謂其曲也我則曲而不踰既圓

體以就滿亦虛中而應無服為身表環為佩器若禮義

之相須豈周旋之暫墜將以體象其法理亦以循環乎

志意雜章甫以為飾騰組綬以往

此下疑闕字以往二字一作以生輝蔚

禮經以留規掩水蒼之故事明夫素王立範象豈因循

必使動容有則歲規合倫得禮容之不選著盛德之日

新環之質兮取其終始罔遺象之齒也取其堅白可珍

體夫子之歷聘周旋似夫子之從時屈伸象環之制兮

其義不淺謙撝之旨兮因斯而闡道崇受物用能寬而

有容理貴適時體如丸而任轉忝明試以効拙敢獻賦

而旌善

罔遺

一作罔極

印賦

以王道正直執契理人為韻

趙良器

域中四大得一者王混同區宇端拱巖廊運元功而莫測故神用之無方穴處巢居時尚傳於樸畧結繩刻木化始漸於昭彰暨夫扇澆薄事征討智慧出而下有大偽忠信興而上失其道聖人以智周萬物仰觀俯考追淳化於往初發鳥迹而爰造是鑄至堅之金騁至巧之性方圓設象以廻合雕錯得宜而瑩淨其道恒其體正

其君者是効故有聞於至乎王者是司故不得一作待於

嚴令詳觀其貌且橫且直文繚繞而外轉字連綿而內
逼迹處泥而髣髴容因朱而翕掩迫而察之若披彩畫
之圖遠而望之若散晴霞之色爾其大小咸準委曲相
襲隨時而行仗義而立羣吏則有慮其誕故合之而給
天子則不責於人故司契而執借如九命作伯三朝謁
帝服冠冕而去來佩印綬而有繼當司存之部領覽職
事之巨細未見契字官韻罔不典常作師圖忱之子且契之不

明訟之所起契之既用人得而理豈徒中山張氏化墜
鵲而初成餘不亭侯感迴龜而相似光錫忠義若斯而
已亂曰古之善為道者非以明人執其左契欲使還淳
故得永全太樸不斲藝倫斯亦為政之機要何止更光
於縉紳

笏賦

王子先

昔者聖人之理天下也辨方位垂衣裳制茲手板整乎
維綱莫不明有德著才良法天地體陰陽欲其表行見

能則外文而內質取其前讓後敬則上圓而下方笏之時義遠矣大矣蕭何列其深規郭璞辨其微旨請原為

用之本特

一作將

申建造之始採文竹拔象齒爰謀爰相載

考載擬華皖功

一作切

錯英明卓峙煥飛霞綴流晷殊相

逸發竒文秀起五嶽備焉四瀆呈止上及君帝下及庶

士或魚須而表其章或玉珽以申其美故能朱紫不奪

尊卑咸理懿夫植性端平文理中正間瓊弁而雪白對

華纓而冰淨出入必書俛仰惟敬其在宗廟即措而請

享其在朝廷即端而受命豈不用捨隨時物莫之令雖
冠冕之貴黼黻之飾徒有備於朝儀孰與茲而同德

冠賦

趙良器

懿哉聖人之所為觸類而長緣情以施大則察乾坤之
用小則稽鳥獸之儀近取諸身既制冠以象德遠取諸
物亦模範而開規裝玉彩而晶耀鈿珠華而陸離禮容
於是乎克尚首飾於是乎攸宜故柔以虛中剛而勁外
惟德是輔惟仁是大綴香簪以半出垂寶纓而雙對珥

白筆以孤懸總紺髮而繁會若乃九門朝啓千官奉職
劍履鏘鏘旌旗翼翼趨玉階以雲聳入金門而電灑於
赫朝廷其儀不忒此乃禮容之有則也爾其尊卑異制
古今殊情備鷗所以貴勇加蟬所以貴清進賢表文者
之號章甫尊儒者之名獬豸觸邪惡佞臣而直指鷄鷄
崇飾光近侍以增榮此又威儀之孔明也是以舉之有
節施之無妄或用晦而冕旒或蔽聰而黈纊居正而不
失其職得位而不愆於上每守分以自安故雖高而不

亢此乃進退之惟當也客有賦之而歎曰夫檢身者禮
表容者服服之不稱必近於妖祥禮之或差自階於傾
覆故君子履道以遠害小人崇奢而取戮鄭臧聚鷓果
貽出境之誅䟽受挂門克保永終之祿則知逆理者天
之所禍順常者神之所福况乎在位之庶寮可不鑒茲
而敬肅

進賢冠賦

趙良器

天道廓兮日月為久聖人作兮衣冠為首彼將照臨萬

有此將肅穆羣后是以明王代寶君子學干摠朝廷之
要惟進賢之冠寸之七且比夫七德梁之三又取夫三
端致美乎威儀棣棣經營乎東帛彛彛知人不易行之
為難將欲昭隱逸責聲實脅讒佞為忠貞草貪侈為廉
質則以正御下雖居高匪危以虛制有縱持滿何溢動
法道靜得一自代兮經為此名無止兮檢被疑作天秩
徒以賢能有意於賢八字一作有意於此亦有意於賢不言而信不用
於權俾荷寵祿者賢一作賢賢而易色榮上林者安一作安安而

能遷久要不忘雖弊必加於首嫌疑不涉季下豈正其
偏則鷓之果也武重蟬之潔也政先亮當用而為用信
玄之而又玄若因物揆理易人推遷非德不依智也非
禮勿動慎也唯賢必舉義也任用無為順也包四善而
世濟其美別九儀而尊固其信夫預明試者稽乎人言
為大夫者資乎能賦則流問以體物敢不立言以存務
將欲存義終則用之不窮將述功之懋則物無能措詩
云服之無斃吾以斯文之為度

第二

以聖朝崇儒服
以旌德為韻

于伊躬

惟冠之制惟賢是崇冠俟賢而出賢因冠而通成於人
有傳古之儀形於國有尊儒之風吾君於是詔司服進
良工考前法於無替覲斯義而有融然後得多士以立
效實茲冠而允淑君臣克序用彰有道之時冕弁可儔
載稽取象之服則知冠以招士亦由工以度木匪工也
良材何以辨于山匪冠也羣賢何以求其祿觀夫製作
有則威儀孔昭建象於初爰從太古之代更名於後始

惟炎漢之朝不繪畫以崇飾在進用以章德上下率而有差禮容行而無忒不可奢致不可儉偏蓋取事疑之大獸亦設官之盛飾上自元后降于公卿用則異數制乃同名五梁三梁表尊卑之序七寸八寸為前後之程惟德是急惟儒是旌協緇布之遺象與皮弁而齊衡且夫作之罔垂服之有以豈同帶鷗者空尚乎猛聚鷗者不稱於已曷若取鑒斯在為工式乎御膳加大官之列使臣薦不疑之暮稽乎其形諒先王之制本乎其義為

君子之儒瞻之克以正創之而以聖列士崇德之規蒸
人立身之鏡豈徒在首貫髮雍容肅敬而已

第三

以明時急
賢才為韻

梁洽

製冠有象惟賢表名冠在首而為用政匪實

疑作賢

而莫

成伊進賢之為急乃斯冠之發明古人所尚永代作程

豈比夫戴鷩聚鷩瓊弁玉纓彼旌武而貽咎寧比德而

同聲念茲在茲侯其禕而

已注
在前

山有木工則度之君為

政賢必進之木自工以生態政得人而允釐故君子進

退以禮消息候時時既消一作清今為疑賢是急賢既進

今其政必立總六官而謂何嘉此名而可挹客有聞之
而言曰或標之豸或珥之蟬所謂二者莫如進賢忝從
班於聖日願効試於明臺敢預弓旌之召無遺管蒯之
才

貂蟬冠賦

以製冠取清
蟬之義為韻

侯 列

冠表朝容飾崇工製示勁悍而貂文既緝彰清高而蟬
翼斯綴所以發宰一作官臣之盛改武弁之弊配紫綬而

增華入黃樞而轉麗突爾將戴翹然可觀糅輕毛而絲
絡鬪微穀而花攢引雜錯之光足見乎以文為貴分動
搖之影誠誠夫居危如安麗則無挂新而莫彈彩列如
星衛女疑何榮於會弁用當謁帝齊相堪嗤於濯冠所
以類鼠咸收如塘必取示威無假於鷓戴呈巧豈矜於
鷓聚影麗華簪光聯垂組乍臨天陞澤鮮而日照如濡
時受王言質薄而風搖自舞鄙舊規於却敵笑遠適於
章甫貂之貴誰憂換酒於晉臣蟬之清是用加金於漢

主故能堅逾鐵柱妙奪玉纓非不足之時狗尾何續從
有綏而用蝟甲如生柔而輔曲潔以從輕灼灼而自為
首飾烟烟而能使心清至矣哉蟬者食潔居高蹈者內
溫外悍盡飾斯在齊光不散發令姿於綴者王何以尊
籍舊葉而珥焉金張益煥將進賢而並美與交讓以相
資承柱後之名是表禮無違者冠侍中之首欲使人皆
見之道光漢冊事含疑秦賜冠乎斯用之以明義

彈冠賦

以君子之交誠有所感為韻


王起

岌岌高冠是加于首將服之以入仕遂彈之而去垢織
埃不染知潔已之為先法服是從明干祿之非久豈比
裂之而無用桂之而勿有也當其貢公不仕王陽未榮
風起緇布塵飛玉纓積歲月而無色混風姿而莫呈豈
知點綴則價重拂拭則光生蓋以斷金之人未達於清
世陸沈之士猶勞其赤誠是故置之而有待褚之而勿
營洎夫大漢登庸伊人有所同松茂而柏悅將龍翔而
鳳舉於是取章甫而言曰冠者首之飾人之規盛服將

朝此為大者結髮從仕曷莫由之吾方策名於丹闕委
質於彤墀于疑將盡飾以為美豈薄汚而見嗤及解彼
珠纓彈于玉指彰久要之必信表從政之有使拂舊彩
以增鮮振浮埃而暫起由是發光耀正容止朝廷濟濟
具瞻夫哲人中櫛鏘鏘用表夫君子則知碩量之所包
賢人之與交其賤也樂夫伐木其貴也同夫拔茅則爵
位相先者以彈冠而是鑒金蘭合契者因彈冠而有感
故能致美縉紳不嬰垢氛將總會于玄髮期入仕于青

雲豈比夫晏子濯以八朝是稱賢相屈生彈于新沐方

侯明君



文苑英華卷一百十二